

ملک در سادات ایچون مجیدیه
بکری فروش حسابیه التمش
فروشد

طفره ایچون پوسته اجرتی اوله رق
اون بش فروش ضم اولنور

نسخه سی ۴۰ پاره در

قانون اساسی

آبونه اولقی ایستینلر دائره عدلیه
اداره مخصوصه سنه مراجعت
ایملیدر

اعلاناک بهرندن بر مجیدیه اخذ
ایدیلور

نسخه سی ۴۰ پاره در

هفته ایکی دفعه جمعه ایرتسی و چهارشنبه کونلری نشر اولنور. محتویاتی اسور عدلیه متعلقدر

تغییر و تحویل

پرزرین سنجانی بدایت محکمه سی اعضا لفته
ایلبسان سنجانی بدایت محکمه سی اعضا سندن
عبدالرحمن افندی
ایلبسان سنجانی بدایت محکمه سی اعضا لفته
کور یجه سنجانی بدایت محکمه سی اعضا سندن
شوق افندی

سوریه ولایتی مرکز بدایت محکمه سی سر
مستقلکنه سیواس ولایتی مرکز بدایت محکمه سی
سر مستطقی فخری افندی
سیواس ولایتی مرکز بدایت محکمه سی سر
مستقلکنه ارضروم ولایتی مرکز بدایت محکمه سی
سر مستطقی سابق حسن بک

جسرارکنه قضاسی بدایت محکمه سی مستقلکنه
ادرنه ولایتی مرکز بدایت محکمه سی مستقلقرندن
وشدی افندی تعیین اولنلشردر.

تبدیلیات

۶۲۹ نومرولی نسخه ده مندرج پولیس
نظامنامه سنک مابعدی:

برنجی فصل

پولیسک اصول انتخاب و تعیین

۲۰ ماده درسعادتده پولیس قومیسرو قومیسر
معاونی و پولیس مأمورلری ایله پولیس مفتشترینک
انتخابی ضبطیه ناظرینک ریاستی آلتنده بک اوغلی
واسکدار متصرفلری واستانبول پولیس مدیری
ودرسعادت استیناف مدعی عمومیسری و ضبطیه نظارتی
ارکانندن ایکی ذاتدن مرکب بر هیئت انتخابیه طرفندن
اجرا اولنور.

۲۱ ماده هیئت انتخابیه هفته ده بردفعه و ایجابنه
کوره ده زیاده ضبطیه نظارتی دائره سنده انعقادیدرک

انتخاب معاملات ایله اشتغال ایلر و انتخاب اتحاد ویا
اکثریت آرانک حصولی ایله اولور.

۲۲ ماده پولیس سلکنه انتخاب و تعیین ایدلک
ایچون اولا تبعه دولت علیه دن اولقی ثانیاً یکرمی بش
یاشنی اکمال ایتش و قرق یاشنی تجاوز ایتماش بولنقی
ثالثاً ترکجه او قیوب یازمسی اولقی رابعاً علل و امراضدن
سالم اولدینی اطباجه بالمعاینه تصدیق اولنقی خامساً
جنحه و جنایتله محکوم اولیوب حسن اخلاق و اطوار
اصحابندن بولنقی مشروطدر.

۲۳ ماده درسعادتده پولیس قید و قبول اولنقی
ارزوسنده بولنانلر اول امرده ترجمه حالی متضمن
اوله جق بر حسن حال شهادتنامه سی ایله تذکره عثمانیه سی
وسلک جلیل عسکریدن مستبدل ایه تذکره عسکریه سی
ربط ایله بر عرضحال تنظیم و ضبطیه نظارتنه تقدیم ایدرک
نظارت مشارالیه ججه عرضحال مستدعینک محل اقامتی
هانکی دائره داخلنده ایه اورانک متصرفلغه ویا پولیس
مدیریتنه و متصرفلق و مدیریتندن معیننده کی پولیس
مجلسنه حواله اولنله جق و پولیس مجلسنجه بالتحقیق
مستدعینک ماده سابقه ده کوستربلان شرائطی حائز
اولدینی و حقیقه حسن حال اصحابندن اولوب توقیفخانه
لرجه موقوفیتی بولندینی و ضابطه اطباسنه معاینه
ایتدیریلرک علل و امراضدن سالم اولدینی تحقیق ایلدیکی
حاله کیفیتی عرضحال تحریر ایله حسن حال شهادتنامه سی
و تذکره عثمانیه و عسکریه سی ایله طیب راپورینی و آشی
شهادتنامه سی ربط ایله متصرفلغه ویا پولیس مدیرلکنه
اعطا واورالردن ده اوراقی ایله برابر ضبطیه نظارتنه
اسرا ایدیلرک جکدر.

۲۴ ماده ماده سابقه ده بیان اولنان اوراق
و متفرعاتی نظارت مشارالیه اداره قومیسرونجه بالتدقیق
معاملات تحقیقه ده بر نقصان بولندینی آکلاشیلدینی
و مستدعینک مذکور قومیسرون حضورنده بالامتحان
اهلیتی تین ایلدیکی تقدیرده شرائط انتخابیه نک مکملیتی
تصدیق و مستدعیلردن طشره لی اولانلر ویا خود اولجه
طشره ده بولنانلر حقنده ایجاب ایدرسه محللرندن
علی الاصول استعمال کیفیت اولندقدن صوکره بولنلرک

اسامیسی تاریخ صر سیله بردفتر مخصوصه قید و کندولری
پولیس سلکنه نامزد عدالنه رق منحل و قوعبولدقجه
دفترمذکور اوراق متفرعه سیله برابر هیئت انتخابیه تودیع
اولنله جق و هیئتجه بولنلرک اولایچنده یکرمی سکرنجی
ماده ده کوستربلیدی اوزره حق رجحانه نائل اولانلر
وبعد دیکرلری صر سیله آجیق بولنان پولیسلکرم
انتخاب و تعیین و تحلیفلری اجرا ایدیلرک ایشه
باشلا تدریله جقدر.

۲۵ ماده ولایت مرکز لرنده والی معاونی
ویا مکتوب بیلرک ریاستی آلتنده استیناف مدعی عمومیسری
وژاندارمه قوماندانی و پولیس مدیرندن ولوامرکز لرنده
متصرفلرک ریاستی آلتنده مدعی عمومی معاونی واکبیلرک
ژاندارمه ضابطی و پولیس قومیسرندن مرکب برر
قومیسریون تشکیل اولنله رق درسعادتده پولیسلرک
انتخاب و تعیینی خصوصنده ضبطیه نظارتی اداره
قومیسریوننه تعیین اولنان وظائف طشره ده بوقومیسریونلر
ودرسعادتده هیئت انتخابیه تودیع قلنان وظائف
دخی طشره لرنده ولایات والویه اداره مجلسلری معرفتیه
ایضا اولنله جقدر.

۲۶ ماده یازیلرک پولیسلر مرکز ولایتده
مقام ولایت و غیر ملحق ویا ملحق لوارده اورانک
متصرفلغه بر عرضحال اعطا ویکرمی اوچنجی ماده ده
کوستربلان شهادتنامه و تذکره عثمانیه و واریسه تذکره
عسکریه سی ربط ایدرک ولایت ویا متصرفیتدن
پولیس مدیرلکنه ویا قومیسرلکنه حواله اولنله رق
محلی پولیس مجلسنجه و پولیس مجلسی بولنیان یرلرده
پولیس قومیسرلکنجه مواد سابقه ده مفصلاً بیان
اولندینی و جهله تحقیقات لازمه بالا اجرا مستدعینک
شرائط مطلوبه بی جامع اولدینی و بلدی طیبینه معاینه
ایتدیریلرک علل و امراضدن سالم بولندینی اکلاشیلدینی
و قومیسریون حضورنده بالامتحان اهلیتی تین ایتدیکی
تقدیرده پولیس مأمورلری اوله جق لرک ولایاتده والیلر
والویه غیر ملحقده متصرفلر طرفندن مأموریتلری
اجرا اولنوب اسملری مخصوصاً طوتیلرک دفتره
قید اولنقی ایچون ضبطیه نظارتنه بیلدیریلرک و پولیس

قومیسر و معاون اوله جقزلرک اجرای مأموریتلری ولایت و غیر ملحق لوا مجلس اداره سندن بامضیه ضبطیه نظارتیه اشعار و مستدعی حقیقه ملحق لواجه معامله و تحقیقات اجرا اولمش ایسه اولوا مجلس اداره سندن مضبطه ایله مربوط اولدینی ولایت و مجلس اداره ولایتنده کذلک مضبطه ایله نظارت مشارالیه اذیار ایله برابر اوراق انتخابیه دن یالکیز تذکره عثمانیه و وار ایسه تذکره عسکریه سی احبابنه اعاده اولنهرق بولنرک صورت مصدق لری و امتحان ورقه سی و شهادتنامه و طبیب راپوری و آشی شهادتنامه سنک اصللری مضبطه ایله لفا تسیر اولنجه قدر .

۲۷ ماده ضبطیه نظارتی هیئت انتخابیه سنجه ماده سابقه ده بیان اولدینی اوزره ولایت ویا لواجه واقع اولان انتخاب و اشعار شرائط نظامیه موافق کوردنیک حلاله تصدیق و عکس تقدیرده رد ایدیه جکدر .

۲۸ ماده پولیس یازملق ایستلردن سلک جلیل عسکریده باش چاوشلق و چاوشلق و بلوک امینلکی ایلش اولانلار ایله ترکیه کتابتدن ماعدا السنه اجنبیه آشنا بولنانلر شرائط سائره مبعوثیه دنخی جامع اولدقلری حلاله دیکر لرینه ترجیحاً انتخاب و تعیین اولنورلر .

(مابعدی وار)

محاکمات مختصه

محکمه تمیز حقوق دائره سندن تنظیم واعطا اولنان اعلامدر :

اذمیدک بغدادی میدانده اوتوز سکر نومرولی دکانده ساکن طناشاک ایله روملر محله سنده مقیم حاجی صوفیانوس اوغلی استراطی بیننده متحدث دعوایه دائر اذمید بدایت محکمه سندن ۱۰ ابول سنه ۳۱۴ تاریخی و قرق الی عددی ایله ویریلان اعلام مزبور طناشاک طرفندن تمیز ایدلکله اعلام مذکور طرفنک اعتراض و جواب لایحه لرله بالمطالعہ بتدقیقات تمیزیه اجرانسه ابتدار قلندی .

اعلام مذکورک خلاصه مالی مرقوم استراطینک اذمیدده کوبری باشی نام محله کائن معلوم الحدود بریاب اتمکچی فروونک الی حصه اعتباریه بر حصه منصرف اولدینی حلاله دیکر حصه دارلری طرفندن کندوسنک بولندینی بر زمانده واذن واجازتی لاحق المقتسرن شهر یوز سکسان غروش اجرت ایله مزبور طناشاکیه ایجار اولمش ایسه ده اجاره نک بطلانیه

باشلوجه اعتراضی مقدا بدل ایجاردن طولانی مویجر ایله مستأجر واسیلانوس بیننده تکیون ایتش اولان دعوا دن طولانی حق واحدک ایکی کشیدن مطالبه سنه مساع قانونی یوق ایکن محکمه جه حکومیتی طرفه کیداسی مغایر قانون اولدیندن بحثله اعلامک تقضی استدعاسندن ومدعی علیک لایحه سنده مندرج نتیجه جوابی دخی اعتراض مذکور واهی و بی اساس ایدوکی بیانیله ردی و موافق قانون اولان اعلامک تصدیق طلبدن عبارت بولنشدر .

ایجابی لدی المذاکره اعلام مذکور مطالعه سندن اکلاشدینی اوزره دعوا ی واقعه نک تعلیق اولدینی کونده مستدعی تمیز طناشاک ایله علسکساندروسک کلامی اوزرینه اعتراض استدعاسنک ردینه قرار ویرلش ایسه ده یوم مذکورده رد استدعایه قرار ویرلش ایله یومک ایچون مستدعی مرقومه ورقه احضاریه تبلیغ اولمش لازم کلور ایکن بولوده معامله اجرا ایدلکله دائر اعلام مذکورده صراحت کوریه مامش و بوا یسه نقصانی معامله دن معدود و مخالف قانون بولمش اولدیندن اصول محاکمه حقوقیه قانوننک ایکی یوز قرق برنجی ماده سی موجبجه اعلام مذکورک قضیه قانون مزبورک ایکی یوز قرق دردنجی ماده سی حکمنه توفیقاً کیفیتک صور مشروحه دائره سنده بارزیه اعلامه ربطی ضمننده محکمه مرقومه اعاده سنه و اوجیوز طقسان اوچ ییحق غروش مصارف تمیزیه نک ایلروده حقسز جیقه جق طرفه رجوع اتمک اوزره اول امرده مستدعی تمیزدن استیفا سنه ۱۶ تشرین ثانی ۳۱۴ تاریخنده متفقاً قرار ویرلدی .

در سعادت جنایت محکمه سندن تنظیم واعطا قلنان اعلامدر :

بنک اوجیوز یکریمی ایکی سنه سی کانون نایسنک ایکنجی صالی کیجه سی جبالی جاده سنده سلیمانک کیفیت جرخدن طولانی مظنون علیه اولان زیرکده خضر بک محله سنده اون ایکی نومرولی خانه ده متصرفاً مقیم و اون قاننده بکلک قطارچیسی اولدینی افاده الیان یکریمی طقوز یاشنده آستانه لی بکر بن حسینک جنایتله اتهامه دائر هیئت اتهامیه دن لاحق اولان مضبطه واستیناف مدعی عمومیلکنک ۳۰ تموز سنه ۳۳۳ تاریخ و ۲۴۸ نومرولی اتهامنامه سی اوراق متفرعه سیله برلکده محکمه جنایتیه تودیع ایدلکله بالمطالعہ تفصیلاتی اولبایده طوتیلان ضبطنامه دن مستبان اوله جتی وجهله اصول محاکمات جزائییه قانوننک باب نایسنک فصل رابعنده محرر معاملات ابتدائییه بعد الا یفا متهم بکرک اجرای محاکمه سی

ضمننده اغستوسک اون سکرنجی جمعه ایرتسی کونی تعیین قلندی . یوم مذکورده متهم توقیفخانه دن کتوردیلهرک وکیل خالد واستیناف مدعی عمومی معا و نلرندن عزتلو بهجت بکر حاضر اولدقلری حلاله کندوسنه تبلیغات لازمه اجرا قلنمش ایکن گلیان مدعی شخصی سلیمانک غیابنده محاکمه علنییه مباشرت و جانب ریاستدن متهمک حوی بتدقیق استجواب ضبطنامه سنده محرر اولدینی اوزره تعیین ایتدکن و متهم ایله ویکله اخطارات قانونیه ایفا قلندقدن سوکره هیئت اتهامیه مضبطه سیله اتهامنامه ضبط کابی سلیمان افندی طرفندن قرائت اولندی .

مذکور مضبطه ده مظنون علیه قطارچی بکرک سلیمان قتل قصدیه جرح ایلش اولمسندن طولانی اتهامنه اوراق تحقیقه ده محرر دلائل و امارات کافی کورلش و حرکتی قانون جزانک یوز سکسانجی ماده سی حکمنی مستلزم افعال جنائییه دن بولمش اولدیندن جنایتله اتهامه قرار ویرلدی محرر و اتهامنامه دخی مرقومک مضبطه مذکورده مندرجاتی وجهله متهم بولندینی مسطر در .

اتهامنامه نک خلاصه سی جانب ریاستدن متهمه تفهیم و توضیح و معاون مومی الیه جانبدن دعوانک تشریح اولمشی معقب متهم سویلتریلر کده مجروح سلیمان جرح ایتدیکنی ووقعه کیجه سی بک اوغلندن غودتله جبالی طرفه کیدرک قطارچی الدقدن سوکره عودتنده میخانه ده برقاچ قدح عشرت ایدوب بوله دوامنده خرسونک میخانه سی اوکنده برقاچ کشینک آلت آتله اوست اوسته منازعه ایتدکلری کورمش ایسه ده کیم اولدقلری بیلیمدیکنی در میان و تحقیقات ابتدائییه اوراقنده مضبوط افاده سی او قوتدیر یلهرق رمزی و زهدی چاوش نامنده کی آرقدارلرله کیجه ساعت بر راده لرنده بک اوغلندن عودت و فوطینک میخانه سنده عشرت ایده رک اورادن جیقوب کیدر ایکن خرسونک میخانه سی اوکنده ایبو ایله طانیمدینی برکشینک منازعه ایتکده اولدقلری کوردیکندن عبارت کورلمکله بوفاده سنه نه دیه جکی مرقوم بکردن صورلدقدن او بولده برافاده بولندینی و ایبونی طانور ایسه ده مذکور کیجه منازعه ایتدیکنی کورمدیکنی اتیان ایلدی .

اوراق میاننده بولنان ضابطه عدلیه تقریری ایله مجروح سلیمانک معاینه سی حادی راپور او قوتدیرلقدنه بولنردن تقریرده قطارچی بکر ایله طلومه جی سلیمان بیننده سکر حال اولدقلری حلاله منازعه وقوع بوله رق بکرک سلیمان صول متهمی آلتدن جرح ایتدیکنک اکلاشدینی اشعار قلنمش وراپورده دخی سلیمانک

اوجی سیوری و برطرفی کسکین آلت قاطعه ایله صول متهمی آلتنده سکرنجی ایله طقوزنجی بین الاضلاعی اوزرنده مستعرضاً واقع درت سانیتمترو طولنده نافذ اولدینی کورلش اولان بر عدد جرحه قاطعه وصول قترعه حرقیه سی اوزرنده نه عین آتله حاصل ایکی سانیتمترو طولنده عمقی مجهول بر عدد جرحه کورلدیکی و مذکور جرحلرک لایقیه تداوی اولندینی حلاله یوز الی کون کندوسی ایشندن معطل ایده رک مدت مذکورده ظرفنده بیک بشیوز غروش اجرت تداوی ایله التیام بولدینی ازار ایدلشدر .

متهم قرائت اولنان اوراق مندرجاتنه قارشو دیه جکی اولدینی سولیدی .

مدعی عمومیلک طرفندن بالا عطا قرائت ایتدیریلان شهود بوصله سنده اسملری محرر اولوب دعوت واقعه یه اتباعاً ورود ایتدکلری خبر ویریلان شاهدلر یکان یکان حضور محکمه یه جقاربهرق لدی السؤل طرفینه مناسبت و خصوصت لری اولدینی اکلاشدقدن و اصولی وجهله امر تخلف لری اجرا قلندقدن سوکره منفرداً و مواجهه استماع اولندقلرنده بولنردن قبان دقیقه جبالی جاده سنده ۳۰ نومرولی قهوه خانه ده قهوه جی اوتوز بش یاشنده آستانه لی حاجی خرسو ولد بنایوط ییل باشی کیجه سی قهوه خانه ده ایکن برکورتی ایشتمکله باقدیننده نجیب دینیلان شخصک اسمی بیلیمدیک مجروح برکیمسه بی چککده و مجروح کده بکر بیباغی قینه قوی کوملکم قان طولدی دیمکده و بکر دینیلان شخصکده اتنده بولنان بیباغی صالامقده اولدینی کوردیکنی مضبوط افاده سی وجهله اخبار ولدی السؤل اتنده بولنان بیباغی صالامقده اولان شخصک لایقیه کوره مدیک جهته حاضر بولنان متهم اولدینی تعیین ایدمه جکی تذکار ایتدی .

دیکر شاهد اون قاننده جبالی جاده سنده خرسونک میخانه سنده دستکاه دار الی سکر یاشنده آستانه لی یورکی ولد دیمتری دخی وقعه کیجه سی میخانه لری اوکنده میخانه قانقدقدن سوکره منازعه و کورتی اولش ایسه ده جیقوب باقدینندن کیمک کیکی جرح ایتدیکنی کورمدیکنی مضبوط افاده سی دائره سنده در میان ایتدی .

مذکور شاهدلرک هر برینک شهادتی ختام بولدجه نه دیه جکی متهمدن صورلدقدنه دیه جکی اولدینی سولیدی .

(مابعدی کلجک نسخه یه)

خاتمک سرسرلیکی تین ایده مدیکندن برائنه

جودنک شکریه خانمه تشهیر سلاح ایتدیکنی ثابت اوله مدینندن برائنه

اورام آقسه بی ضرب و جرح ایلدیکی تین ایدن خا صکویده ساکن مطایانک اون بش کون حبسیله برابر بر آتون اخذیه مضروب به اعطاسنه

سوریککی ضرب ایلدکلری شهادتله تین ایدن قالیوی ایله کریمه سی انکلیقودن برر اتون اخذیه مضروب به اعطاسنه

میشونی ضرب ایلدیکی شهادتله تین ایدن صلاموندن برر آتون انوب مضروب به اعطاسنه

عبدالرحمن افانک ترازوسیه دره لرینی سرقت ایدن زاره نام شخصک مکرر بولنمی حبسیله سکر آی حبسنه ومدت جزائییه سنک ختامنده ضابطه جه کفالتله ربطنه بک اوغلی بدایت محکمه سی جزا دائره سنجه قرار ویرلشدر .

محاکمات انتباهیه

محوه قضای بدایت محکمه سی مستطقی رمزی افندینک وظیفه مأموریتی سوء استعمال ایتدیکنی یانیه ولایتی استیناف محکمه سی مدعی عمومیلکندن وارد اولان اوراق تحقیقه مندرجاتدن مستبان اولسنه منی بالغزل محاکمه آتله آتسنه عدلیه نظارت جلبه سندن مأذونیت ویرلهرک مذکور مدعی عمومیلک تبلیغات مقتضیه ایفا ایدلشدر .

اسکیشهر قضای بدایت محکمه سی مدعی عمومی معا و نی وکیل پولیس قومیسری خیری افندینک وظیفه قانونیه سی سوء استعمال ایلدیکی خداوندکار ولایتی استیناف محکمه سی مدعی عمومیلکندن وارد اولان اوراق تحقیقه محتویاتندن مستبان اولسنه منی وکیل مومی الیه محاکمه آتله آتسنه عدلیه نظارت جلبه سندن مأذونیت ویرلهرک مذکور مدعی عمومیلک تبلیغات مقتضیه اجرا قلنمشدر .

الائانات

در سعادت جنایت فکر سنده :

پدری احمد حدی بکل خانه سی احراقه تصدی ایلدیکی حلاله اسباب مانعه حیلولتله ماده حریق فعله چقارم مدینی ادعاسندن طولانی متهم اولوب اسکدارده روم محمد پاشا محله سنده مدرسه سواقنده کائن اون درت نومرولی خانه مومی الیه پدریه برلکده اقامت ایتکده ایکن فرار ایدن و اوصافی غیر مضبوط بولنان

اونبر ياشنده جانب نام چوجق دردست ايديله مامش اولديغندن تاريخدن اعتباراً جانب رياستدن كندوسنه مجدداً اون كون مهل اعطا قلمشدر مهل معين ظرفنده محكمه يه كيديكي حالده قانونه اطاعت ايتامش نظريه باقيله رك حقوق مدنيه دن اسقاط قلنه جنى وعلينده دعوايه قيام اولنه جنى وحاكمه غيايه سي ائنده اموالرك حيز آله جنى وبوصرده بركونه ادعايه حق اوله ميه جنى و بالمله ضابطه عدليه مأمور لر ينك كندوسنى طومغه و بولندينى محلى بيلنلرك خبر ويرمه مجبور بولندقلرى كى معاملات حيزيه حقتده دى مدعى عموميله تليغات مقتضيه اجرا ايدليكي جهتله اصول محاكات جزائيه قانونك اوچيوز يتمش برنجى و اوچيوز يتمش ايكنجى ماده لرندن استنباط اولنان احكامه توفيقاً اشبو قرار نامه بالتنظيم اعطا اولنور .

نجات بحريه محكمه سنده :

درسمعادتده مارپوشجیلرده نعمت خانی آلتده ساكن ايكن تجارت بحريه محكمه سندن افلاسنه حكم اولنش اولان خردوات تاجرى هازرى بهارك خصوصات افلاسيه سنك رؤيت وتسويه سي ضمنتده دعوى وكيللرندن يوسف كمال وحسن سليم بكلر ايله باراويان اوخانس افدى اصالة سنديك تعين قلمش اولدقلرندن مفلس مرقوم ذمتده آله جنى اولانلرك قانوننامه تجارتك ۱۹۹ و ۲۰۰ نجى ماده لرى موجبجه تحقيق ديون ايچون تاريخ اعلاندن اعتباراً يكرمى بركون ظرفنده سنداتى محكمه كاتبه تسليم ايللرى ومدت مذكوره ختامندن صوكره اوچ كونده يعنى ۳۲۳ سنه سى كانون اولنك يكرمى ايكنجى جمعه ايرتسى يكرمى دردنجى بازار ايرتسى ويكرمى بشنجى صالى كونلرى تجارت بحريه محكمه سنك مصالح افلاسيه رؤيته مخصوص اوطة سنه كلهرك سنديك افنديلر مواجهه سنده آله جقلىرى اثبات وقيد وتصديق ايتديرملرى ومدت مذكوره ده اثبات وجود ايدميهان آله جقلىر حقتده قانون مذكورك ۲۱۰ نجى ماده سنه توفيقاً ايفاي معامله اولنه جنى اعلان اولنور .

استانبولده كراسته جيلرده ۸ و ۲۹ نومرولى مغازه لرده ساكن ايكن تجارت بحريه محكمه سندن افلاسنه حكم اولنش اولان يواناكي ميخائيلديس شركتلك خصوصات افلاسيه سنك رؤيت وتسويه سي ضمنتده دعوى وكيللرندن رسائى بك ايله يورداناكي حرمليبدى وکل اوغلى اورام افنديلر اصالة سنديك تعين قلمش اولدقلرندن مفلس مرقوم ذمتده

آله جنى اولانلرك قانوننامه تجارتك ۱۹۹ و ۲۰۰ نجى ماده لرى موجبجه تحقيق ديون ايچون تاريخ اعلاندن اعتباراً يكرمى بركون ظرفنده سنداتى محكمه كاتبه تسليم ايللرى ومدت مذكوره ختامندن صوكره اوچ كونده يعنى ۳۲۳ سنه سى كانون اولنك يكرمى دردنجى بازار ايرتسى يكرمى بشنجى صالى ويكرمى التتجى چهارشنبه كونلرى تجارت بحريه محكمه سنك مصالح افلاسيه رؤيته مخصوص اوطة سنه كلهرك سنديك افنديلر مواجهه سنده آله جقلىرى اثبات وقيد وتصديق ايتديرملرى ومدت مذكوره ده اثبات وجود ايدميهان آله جقلىر حقتده قانون مذكورك ۲۱۰ نجى ماده سنه توفيقاً ايفاي معامله اولنه جنى اعلان اولنور .

ارض ورم نجات محكمه سنده :

ارض ورمده نازك چارشوسنده مقيم صوبه جى اصنافدن قره بتيان آغوب واستبانك ۱۳ تشرين ثانى سنه ۳۲۳ تاريخندن اعتباراً موقتاً اعلان افلاسلرينه و مصالح افلاسيه نك رؤيت وتسويه سي ضمنتده اعضاي دائمه دن قره بت افنديك زور قوميسر ودعوى وكيللرندن امريكيان كرقورويبيريان فلبوس افنديلرك موقت سنديك تعينلرينه ومغازه ومخزنلرندن اموال تجاريه ليله اشياى زائده بيتيه لر ينك تمهيرينه واوراق ودفاترينك جلبه وكفالت معتبره اراه ايدم مدكلرى تقديرده حبس وتوقيفلرينه وبوبابده كى قرارك موقتاً اجراسنه ارض ورم تجارت محكمه سنجه قرار ويرلش اولديغندن قانوننامه تجارتك ۱۷۰ نجى ماده سى موجبجه دائمي سنديكلر انتخاب اولنقى اوزره اشبو ۳۲۳ سنه سى كانون اولنك اونجى بازار ايرتسى كونى ساعت يدي راده لرنده اصحاب مطلوبك محكمه مذكوره نك مصالح افلاسيه رؤيته مخصوص اوطة سنه كللى اعلان اولنور .

آله نجات محكمه سنده :

آله نده يكي بدستانده مانيفاطوره تجارندن خيره تيان بدروسك ۱۳ تشرين ثانى سنه ۳۲۳ تاريخندن اعتباراً اعلان افلاسنه و مصالح افلاسيه نك رؤيت وتسويه سي ضمنتده اعضاي محكمه دن رفعتلو محمود افنديك زور قوميسر واصحاب مطلوبدن وتجارندن خواجه سليم بطرسك موقت سنديك تعينلرينه ومغازه سيله اشياى زائده بيتيه سنك تمهيرينه واوراق ودفاترينك جلبه وكفالت اعطا ايدميهان حالده حبس وتوقيفه وبوبابده كى قرارك موقتاً اجراسنه آله نجات محكمه سنجه قرار ويرلش اولديغندن قانوننامه تجارتك (۱۷۰) نجى ماده سى موجبجه دائمي سنديك انتخاب

اولنقى اوزره اوچيوز يكرمى اوچ سنه سى كانون اولنك برنجى جمعه ايرتسى كونى ساعت يدي راده لرنده اصحاب مطلوبك محكمه مذكوره نك مصالح افلاسيه رؤيته مخصوص اوطة سنه كللى اعلان اولنور .

آله نده يكي بدستانده مانيفاطوره تجارتيه مشغول ايكن آله نجات محكمه سندن افلاسنه حكم ايدلش اولان باغچيان ابراهيمك خصوصات افلاسيه سنك رؤيت وتسويه سي ضمنتده دعوى وكيللرندن لامع افدى اصالة سنديك تعين قلمش اولديغندن مفلس مرقوم ذمتده آله جنى اولانلرك قانوننامه تجارتك (۱۹۹) و (۲۰۰) نجى ماده لرى موجبجه تحقيق ديون ايچون تاريخ اعلاندن اعتباراً يكرمى بركون ظرفنده سنداتى محكمه كاتبه تسليم ايللرى ومدت مذكوره ختامندن صوكره اوچ كونده يعنى بيك اوچيوز يكرمى اوچ سنه سى كانون اولنك دردنجى صالى وبشنجى چهارشنبه و آلتتجى پنجشنبه كونلرى آله نجات محكمه سنك معاملات افلاسيه رؤيته مخصوص اوطة سنه كلهرك سنديك مومى اليه مواجهه سنده آله جقلىرى اثبات وقيد وتصديق ايتديرملرى ومدت مذكوره ده اثبات وجود ايدميهان آله جقلىر حقتده قانون مذكورك ۲۱۰ نجى ماده سنه توفيقاً ايفاي معامله اولنه جنى اعلان اولنور .

آله نده قره صوفى چارشوسنده كى مغازه سنده ساكن آله نجات محكمه سندن افلاسنه حكم ايدلش اولان ترزى مفريدجى توتونچيانك خصوصات افلاسيه سنك رؤيت وتسويه سي ضمنتده اصحاب مطلوبدن وتجارندن خواجه سليم بطرس اصالة سنديك تعين قلمش اولديغندن مفلس مرقوم ذمتده آله جنى اولانلرك قانوننامه تجارتك (۱۹۹) و (۲۰۰) نجى ماده لرى موجبجه تحقيق ديون ايچون تاريخ اعلاندن اعتباراً يكرمى بركون ظرفنده سنداتى محكمه كاتبه تسليم ايللرى ومدت مذكوره ختامندن صوكره اوچ كونده يعنى اوچيوز يكرمى اوچ سنه سى كانون اولنك دردنجى صالى، بشنجى چهارشنبه، آلتتجى پنجشنبه كونلرى محكمه مذكوره نك مصالح افلاسيه رؤيته مخصوص اوطة سنه كلهرك سنديك مومى اليه مواجهه سنده آله جقلىرى اثبات وقيد وتصديق ايتديرملرى ومدت مذكوره ده اثبات وجود ايدميهان آله جقلىر حقتده قانون مذكورك (۲۱۰) نجى ماده سنه توفيقاً ايفاي معامله اولنه جنى اعلان اولنور .